

Nakaangkla Kay Cristo, ang Salita

Hebreo 6:18-20, "...tayong nangagsitakas na sumakanlong upang mangapit sa pagasang nalalagay sa ating unahan: Na ating inaring tulad sa sinepete ng kaluluwa, isang pagasa na matibay at matatag at pumapasok sa nasa loob ng tabing; Na doo'y pumasok dahil sa atin si Jesus, na gaya ng pangunahin, na naging dakilang saserdote magpakailan man ayon sa pagkasaserdote ni Melquisedec."

May isang butihing ministro na nagsabi kanikanina lamang, ang sabi, "Brother Branham, kung taglay ko lamang sana ang kagalakan ng Panginoon sa aking puso..."

Ang sabi ko, "Anak, tapos na ang rebaybal." Kita nyo? Ngayon, **naikawit na ang angkla sa barko. Ang mga naglalakihan at nakakatakot na mga alon ay nasa ating harapan, subalit nalalaman natin na sa likod ng mga along ito ay malapit na tayo sa dalampasigan. Kita n'yo? Malapit na tayo sa dalampasigan.** Magpakatatag lamang tayo. Manatili lamang sa Salita; manatili sa Diyos. **Anoman ang iyong nararamdaman, maging anopaman ang bagay na ito, manatili ka lamang sa Salita.** Hayaan mo lamang na pumanatag ang bagay na ito. Kapag nakita mo ang lahat ng makakapal na ulap na nakapalibot sa atin, at may paparating na bagyo, at mga bomba atomika, at ang lahat ng iba pa na pinaguusapan nila; subalit ang ating angkla ay nakakapit mismo sa Salita. Sinabi na ng Diyos na darating ang mga bagay na ito; dadapurakin lamang natin ang lahat ng ito. Siyanga. Lalampasan lamang natin ang bagay na ito. Siyanga naman. Hindi nito magagawang ilubog tayo; hindi nito tayo magagawang lunurin. Ilibing man ninyo kami; babangon kaming muli. Iyan lamang ang magaganap. Walang anomang bagay rito sa ibabaw ng lupa na may kakayanang igupo tayo. Dadapurakin lamang natin ang lahat ng ito, 'pagkat tinatawag tayo ng dakila nating Punong Kapitan doon sa kabilang ibayo.

Anoman ang mangyari, ano man ang kahinatnan, anoman ang dumating, wala itong pinagkaiba; naka-angkla na tayo kay Jesus. Kung mabubuhay pa ako ng matagal, mamumuhay ako sa ikaluluwalhati ng Diyos. Kung mamatay man ako, mamamatay ako sa ikaluluwalhati ng Diyos (Roma 14:7-8). Kung ano ang ikaluluwalhati ng Diyos ay iyon lamang ang nais kong gawin. Kapag natupad na ang lahat ng ito, ayaw ko nang magtagal pa. nais ko ng makamit ang putong na binili niya para sa akin, hindi sa kung ano ang aking natamo, kundi ang nais ko ay ang binili Niya para sa akin, iyong ipinagkaloob Niya sa akin sa pamamagitan ng biyaya (Apoc. 22:12). [1]

At ang isang ipinanganak na muli ni Cristo ay nakatali kay Cristo, at ang Biblia ang siyang Angkla (I Pedro 1:23). Sa bagay na iyan tayo nakatali. Hayaan na natin ang mga organisasyon, ang iba pang mga bagay, hayaan na natin ang agham, maging ang mga edukado

na sabihin kung ano ang nais nila. Samantalang ito ang sinasabi ng Salita at ipinangako Nito, sa bagay na Iyan tayo nakatali. May isang bagay na hindi magpapatinig sa atin. Tama ‘yan. **Ang isang tunay na ipinanganak na Cristiano, mananatili sa Salitang iyan.** Kapag may isang bagay na pinagagawa, at kung paano ito gawin, sa paraang iyan nararapat natin itong gawin. Anoman ang sabihin ng iba, iyan ang sabi ng Diyos. Diyan tayo nakatali, **isang buhay na nakasentro kay Cristo.**

Ito ang angkla ng barko. Ang barko ay naka-angkla rito sa panahon ng bagyo. At kung si Cristo ang iyong Pinakamataas (*Absolute*), nakatali ka sa kaniya kung gayon. Sa panahon ng daluyong, kung hahayaan mo lang ito, sasalpok ito sa mga bato at mawawasak. Kaya nga ang ginagawa nila, inilalaglag nila ang angkla. At bubulusok ang angkla hanggang sa ito ay kumawit sa bato sa ilalim. Sa gayon ay naka-angkla na ang barko. Ito na ang pinakamataas (absolute) ng barko. [2]

Ngayon, kapag ang mga taong maysakit na nasa loob ng gusali, ang mga lumpo, o kayo na may pangangailangan sa Diyos, **kapag nasapo ninyo ang kapahayagang iyan na kayo ay inaring ganap** (I Cor. 6:11), kapag kayo ay inaring ganap na sa bagay na inyong hiniling, dapat ay sumampalataya kayo na Siya ang tagapagbigay ganti sa mga sa Kaniya’y nagsisi-hanap (Heb. 11:6), **walang anomang bagay na makapaghihiwalay sa inyo sa pananampalatayang naka-angkla sa inyo** (Rom. 8:38-39). Kita n’yo? Ngunit una muna ay kailangang mahayag sa inyo ang bagay na ito. [3]

At nilisan ni Abraham ang lupain, naglakbay siya, at itinuring na dayuhan at manlalakbay ang sarili niya (Heb. 11:8-10). At masdan ninyo, si Abraham ay tulad ng ibang mortal, hindi siya isang taong imortal, hindi siya isang tao na hindi nagkakamali, parati rin siyang nagkakamali (Gen. 12:10-20; 20:1-18). **Subalit gaano man karami ng nagawa niyang pagkakamali, nakakapit pa rin siya sa angkla, sapagkat taglay niya ang pangako.** [4]

Datapuwa’t sinasabi ko sa inyo, ang isang tunay na tao na ipinanganak ng Espiritu ng Diyos **ay mananatiling nakaupo ng mahabang oras habang umiinom ng tubig mula sa Salita ng Diyos.** Hindi lamang yan, kundi kapag kumapit na ang bagay na ito, **kakawit ito, at babago ng buhay.** [5]

Magpapatuloy ka na isa ng kakaibang tao. **Papalaot ka na may taglay na isang angkla sa loob ng iyong kaluluwa, dahilan upang wala ng anopamang makapagpapahina ng loob mo.** Nalalaman mo na ikaw ay magaling na. **Nalalaman mo na tinupad na ng Diyos ang bagay na ito para sa iyo,** sapagkat ito ang ipinangako Niya (IPedro 5:6-7). [6]

May isang munting bagay na iaangkla ng Diyos sa iyong puso at magsasabi, “Ito na “Yan.” Sampalatayanan mo ang bagay na Ito. Panghawakan mo Ito. Iyan ang Salita ng Diyos. Ipinangako Niya na pagtitibayin Niya ang bagay na Ito. At kapag pinagtibay Niya ang Salita, panghawakan mo na ang bagay na Ito (Apoc. 3:11). [7]

Nakakapit ako sa angkla na nakakawit doon sa Bato. Ipinagwawagwagan ako ng mga bagyo, datapuwat nakakawit ng husto ang aking angkla. Nakakawit Ito kay Cristo at sa Kaniyang Salita. Nananampalataya ako na ang Iyong Salita ay ang Katotohanan (San Juan 17:17). [8]

“Na ating inaring tulad sa sinepete ng kaluluwa, isang pagasa namatibay at matatag...” (Hebreo 6:19).

Na hindi na napapahapay dito’t doon at dinadala sa magkabikabila ng lahat na hangin, aayon rito at sa susunod naman ay doon, na tila бага hindi nalalaman kung saan nakatayo (Ef. 4:14). Ang sabi ng Biblia, “Nais ko sana na kayo ay maging matatag.” Na hindi nagsasabi, “Buweno, ako’y ganito sa araw na ito at kinabukasan ay iba naman. **I-angkla ninyo ang inyong kaluluwa kay Cristo Jesus! Isilang kayong muli, mapasainyo ang Buhay ng Diyos, at walang pagaalinlangan na nalalaman mo na ikaw ay lumampas na mula sa kamatayan patungo sa Buhay** (Juan 5:24). Ang buo ninyong pagasa ay nakatayo doon sa Kalbaryo. **Ang pagibig ng Diyos ay bumubuhos hanggang sa loob ng inyong puso** (Roma 5:5). At magagawa mong sampalatayanan na ang bawat Salita ng Diyos ay katotohanan. Nakahanda kang mamatay sa bawat bahagi ng bagay na Ito. Nakikita ba ninyo ang ibig kong sabihin? Matibay at matatag. [9]

Kung nais mong i-angkla ang iyong sarili, i-angkla mo ang Salita sa iyong puso. Ang sabi ni David iningatan niya ang bagay na ito sa kaniyang puso upang hindi na siya magkasala pa (Awit 119:11). Isinulat niya ang Kaniyang mga kautusan sa haligi ng kaniyang higaan, maging sa kaniyang mga kamay at sa lahat ng dako, inilagay niya ang Kaniyang mga utos sa harap niya (Awit 16:8; Deut. 6:4-9). Iyan lamang ang paraan. Itutok ninyo palagi ang inyong mga isip... [10]

Hayaan lang na dumating ang mga bagyo; nakakawit ang aking angkla sa loob ng tabing. **Hindi ko maipapaliwang sa inyo kung bakit dumadagsa ang mga daluyong sa karagatan sa araw na ito, subalit pinasasalamatan ko ang isang angkla na nakakawit ng maigi sa tabing.** Kapag ito ay hinahagupit at tila бага hahatakin ito sa ilalim, salamat na lang at nakakawit ang aking angkla sa tabing. Ako’y naka-angkla sa tabing. [11]

Tulad ng paslit na nagpapalipad ng saranggola. Ang sabi, “Nasa’n na ang saranggola?” Aniya, “Hindi ko alam, subalit naroon lang yun sa itaas; **nararamdaman ko kasi ito rito sa dulo ng pisi.**” Iyon na ‘yon.”

Sino ka mang lalaki o babae na kakapit sa Salita ng Diyos, may isang bagay na mapanghah-awakan ka. Nakakawit ang iyong angkla sa tabing. Maaaring haplitin at yanigin ka ng mga daluyong at alon sa lahat ng panig, **subalit naka-angkla ka na.** Tiyak mo na mananatili ito sa kinalalagyan niya. Magtatagumpay ka. Sinasampalatayan mo ang bagay na ito. Sinampalatayanan ni Noe ang bagay na ito, siyanga, at natupad niya ang layunin ng Diyos sa buhay niya. **Nais mo bang matupad ang layunin ng Diyos sa buhay mo? Kung gayon ay**

kailangan mong mangunyapit kapag nahawakan mo na ang Salita. Panghawakan mo ang bagay na Ito, ang pangako; ito’y sa iyo. [12]

Huwag mong patirin ang iyong angkla na nakakawit sa Kalbaryo. Panghawakan mo ang Salita ng Diyos, dahil “Sa ibabaw ng batong ito ay itatayo Ko ang Aking Iglesia,” manatili ka Rito (Mat. 16:13-18) [13]

At kung naka-angkla ka sa Salita, at naka-angkla rin ang Salita sa iyo, ika’y eternal na kasama ng Salita. Amen.

Kailangang makarating ito hanggang doon sa dulo. Ang lahat ng mga bagay ay mauuga. Gaa-no man kalalaki ng mga haliging itinatayo nila, kailangang magiba ang mga ito. **Ang lahat ng bagay na hindi ayon, o laban sa Salita, o salungat sa bagay na ito, ay kailangang mayanig.** Kailangan nitong magbigay daan, dahil paparating na ang Salita na nagtatagumpay. Walang bagay na maaaring makapigil sa bagay na ito. Iyan ang sabi ng Diyos.

Nung bigkasin Niya ang bagay na ito, ang langit at ang lupa ay lilipas, datapuwat ang Salita ay hindi (Mat. 24:35). **Ingatan ninyo ang Salita sa inyong puso.** Ingatan ninyo ang Salita at hayaan ninyo itong lumago... **Ingatan ninyo Ito palagi sa inyong kaisipan** (II tim. 2:8), **sapagkat hindi Ito kailanman mabibigo.** Hindi mabibigo ang Salita ng Diyos, dahil sinabi Niya na hindi Ito mabibigo. Kaya nga nais natin itong manatili sa kalagayang ito. [10]

Oh, kapatid kong lalaki at babae; ngayon, nalalaman ko na batid ninyo ang kahulugan ng bagay na ito. Kita n’yo? Manatili kayo sa tabi ni Cristo. Bibigyan ko kayo ng babala ngayon, bilang isang ministro ng Ebanghelyo ... huwag kayong magisip ng kung anong masama. **Huwag kayong magisip ng kung anuano. Manatili lamang kayo hanggang sa ang bagay na ito na nasa kaloob looban ninyo ay umangkla sa Salita, tiyakin ninyo na kayo ay mapakay Cristo;** ‘pagkat ito lamang ang tanging bagay na mananatili... **‘Pagkat tayo’y nabubuhay sa pinakamapandayang panahon. Na kung maaari lamang ay dayain maging ang mga hirang** (Mat. 24:24), **dahil mayroon silang pahid. Magagawa din nila ang bagay na ginagawa ng iba.**

Linisin ninyo ang inyong mga buhay; magbayad kayo ng mga utang; huwag kayong magkau-tang ng ano pa man sa kanino man, ang sabi ni Jesus (Rom. 13:8-10). Ngayon, hindi ko tinu-tukoy ang mga upa ninyo sa mga bahay at iba pa. kailangan ninyong gawin ang mga bagay na iyan. Linisin ninyo ang inyong mga kamay. **Ilagay na ninyo sa tama ang lahat. Maghanda na kayo. Maghanda na kayo.** Alalahanin ninyo sa Ngalan ng Panginoon, may isang bagay na nagbabadyang maganap. [14]

Pinagsisikapan kong maigi na magawa ang lahat ng magagawa ko upang amukiin ang lahat ng lalaki at babae—maging tiyak kayo sa bagay na ito! **Kung hindi pa naka-angkla ng lubusan ang inyong puso** (I Co. 13), **huwag ninyong daanin sa sensasyon at emosyon ang bagay na ito.** Tiyakin ninyo na magagawa ninyong ibigay ang kabila ninyong pisngi

(Mat. 5:38-48), **upang maipamalas ninyo na si Cristo ang lahat sa inyo. Huwag mong palalampasin ang bagay na ito, kapatid ko.** [15]

Reference:

- [1] "Christ Is Revealed In His Own Word", par. 155-157
- [2] "An Absolute" (63-1201M), par. 66+68
- [3] "I Have Heard, But Now I See", par. 57
- [4] "Melchisedec The Great Prince", par. 48
- [5] "Way Of A True Prophet", par. 92
- [6] "God Hath A Provided Way" (56-0108), par. 22
- [7] "Unchangeable God" (60-0326), par. 16
- [8] "Condemnation By Representation" (60-1113), pg. 35
- [9] "He Swore By Himself", par. 230
- [10] "Uncertain Sound" (63-0114), par. 35+37
- [11] "Why Are People So Tossed About" (56-0101), pg. 27
- [12] "Perseverance", par. 105-108
- [13] "Evening Messenger", par. 193
- [14] "And Knoweth It Not", pg. 36-37
- [15] "From That Time" (60-0716), par. 106

Spiritual Building-Stone No. 155 from the Revealed Word of this hour, compiled by:
Gerd Rodewald, Friedenstr. 69, D-75328 Schömberg, Germany
www.biblebelievers.de, Fax: (+49) 72 35 33 06

There's coming one with a Message that's straight on the Bible, and quick work will circle the earth. The seeds will go in newspapers, reading material, until every predestinated Seed of God has heard It. [Bro. Branham in „Conduct-Order-Doctrine“, page 724]